


岫岩縣志

乙亥
夏
題

岫巖縣志卷三

人事志

世運之升降習俗之醇漓胥於一邑之人事覘之岫邑設置近二百年地處山叢民風閉塞迄今戶口漸繁雖進文明之步而農商是務猶存勤樸之風民國成立新政迭興凡百事業日見騰達潛移守舊之習漸趨文化之域謹將人事之採訪所及者爰據實事錄存聊以效太史之陳詩以作民風之觀焉可耳志人事



民族

本邑民籍旗籍占大多數外有回系高麗系兩種其餘並無他種人民入籍者自開墾以來住居各戶均由他省及鄰縣遷徙斯邦恆作寄籍之想所以不立宗祠不修家乘迭傳俱不加察雖有大姓率多莫溯其本末源流而受姓之由更難詳考茲將居民之種類暨事業人丁並茂之家分錄於下至於搜求增廣仍俟繼起之士君子

民種

高麗系 自唐征高麗後邑境尙遺有高麗人民數家今之朴姓純係高麗苗裔此外尙有金姓白姓其餘他姓尤難詳考惟年代久遠取得國籍語言禮俗早與居民渾化該氏等自己亦指陳不出源流所在云

回系 係阿剌伯族之流裔清乾隆間多由直魯遷來在本境小本經紀流傳至今繁衍二百餘戶丁口不下二千餘多聚居於邑之南郭

旗籍 有滿洲漢軍蒙古西伯之分清初隨主從征多係滿洲民人入伍從軍後入旗

籍謂之漢軍至於蒙古西伯均係因地命名仍屬滿洲

民籍 邑境初無殖民清乾隆間山東饑饉始有避荒而流寓於茲者續有經商負販來而得籍者邑內居民魯籍占大多數其直豫晉等省之民流寓斯邑者爲數無多餘係鄰近遼海蓋金復等縣人民自由遷入者聚居雜處歷年既久畛域亦無分矣

氏族

嶢 溝李氏 李源原籍山東臨朐縣明洪武二十五年以軍功得誥命封尉侯授遼東

瀋陽右衛始爲遼陽中百戶襲職九世至李成柱前清肇起康熙四年得清皇誥命陞文林郎朝議大夫子二長名之粹康熙十五年授杭州布政使性慈善好施與在嶢溝捨廟地兩處一保安寺一藥王廟共上地十餘日蠶場二十餘份次名之穆候選知縣之粹長子維庚襄陽縣知事四子維耀尙王之婿名曰駿馬之穆長子維翰昌平州知州次子維煥監生維庚子懷智曹州府知府維煥之四世孫兆格曾任牛莊委官兩朝封誥世代簪纓現雖門第衰微而支繁丁多亦望族也

門樓溝沙氏 清初由山東蓬萊縣遷岫二百餘年現已十世沙夢石公禮部左侍郎兼翰林院侍讀學士再傳沙應鶴字九皋禮部左侍郎兼翰林院侍讀學士三傳沙澄字淵如順治丙戌進士累任禮刑兩部尙書沙渭任合肥縣知縣四傳沙汝法武舉人任陝西撫標中軍叅將汝灋正七品京官汝洛官至貴州勻都府知府五傳沙克岫文庠生六傳沙景孟貢生七傳沙保元特授盛京禮部左翼教習八傳沙崇蘭貢生九傳沙兆奎貢生魁元字玉堂原名兆瀛光緒庚辰武進士殿試即用營守備兆瀚字仁波歷辦地方收捐禁烟勸學等事頗孚鄉望十世毓泉毓桂同科武庠生鴻洲原名毓秀文庠生丁口繁昌書香累世邑西望族也

香爐溝王氏 清盛京鑲黃旗漢軍筆帖仕者有王鳴謙字菊舫一號牧菴盛京刑部筆帖式歷任四川德陽等縣知縣王鳴詩字吟舫刑部筆帖式候選通判王熙文字夢琴同治庚午副榜候補知縣王熙斌字雙坡補授鐵嶺掌圖記防禦王熙臣字筱航候補主簿著有小舫詩稿未付梓現雖析居多載門第衰微而戶丁百餘口仍稱望族

南黃

旗溝白氏

清正黃旗滿洲康熙間有崇厄力者由長白遷居哨子河黃旗溝相傳十

世分居五十餘戶丁口約五百餘白榮安係文舉人曾任張家口知府貴安同治年副榜瑜琦瑜璞光緒年同科舉人現雖析居多份而丁財蕃旺仍稱邑南望族

龍寶峪何氏

清鑲紅旗滿洲有班的者隨清帝入關爲京兵領催後因來岫駐防遂家

焉累世相承有倭興額巴琳

均錄仕宦內

傳至十代有何景昌字星彩前清文庠生曾充本縣

餘中學校長暨勸學所長現充省議會議員何克昌字履復本邑師範學校畢業何乃昌字鼎三奉天法政學校畢業現充義縣審判官今已析居數十戶丁口一千三百支派繁興亦邑西望族也

石灰

審子張氏

清乾隆十四年張公希堯由山東牟平縣遷居斯邑農商起家地租至五

千餘石商號數十處二世張鐸勤儉持家三世貢生玉澍翰林院待詔武德騎尉玉潤登仕郎玉泉四世貢生魁元武德騎尉益元奉政大夫書元奉直大夫經元五世府經歷國潛又名燭奉天自治局畢業曾被選縣議會議長現充六區區長同族兄弟國樑

國忱國藩均能繼承先志世守善行恆施食以濟貧今析居七十餘戶丁口約五百餘恆產仍多豐富亦邑西望族也

石佛崖張氏 原籍山東黃縣清嘉慶初年以懋遷卜居茲土凡九世丁口百有奇現已析居仍業農商兼讀有已故歲貢生張倬雲子名錦波文庠生姪星堦曾充本邑警察西區區官

蘇子溝周氏 清嘉慶初年由山東蓬萊縣遷居茲土以經商起家繼以耕讀前清時有武舉人周渭泉文舉人周瀛春武庠生周樹幹傳凡九世丁口百有餘現已析居仍以農商兼讀爲業

松樹秧葛氏 清嘉慶末年由山東黃縣遷徙於茲以經商起家傳凡八世丁口百有餘現已析居多份資產豐裕小洋河子大孤山葛姓皆其連枝有文庠生葛廷椿泮林文林武庠生廷相現有葛樹品字晋珊奉天法政學校畢業曾充鳳城縣審判官暨省議會議員

小洋

河子林氏 清嘉慶間由山東遷岫以農起家耕讀爲本傳凡九世丁口百有奇筮仕者有署吉林綏化府知府林長植現已析居仍稱望族

澄子塘仇氏 清嘉慶末年從山東棲霞縣游學斯邑遂卜居焉凡五傳四十餘丁口仇玉田字杏橋奉天自治研究所畢業曾充本邑研究所所長縣行政科長仇玉珽字猷忱文庠生職業詳仕宦內耕讀傳家稱望族焉

龍潭溝欒氏 原籍山東海陽縣清乾隆三年經商來岫因卜居焉傳凡十世丁口約二百餘現析居數十戶多務農業有欒慶甫者曾充西區區官

哨子

河街張氏 原籍雲南有張寬者清初隨京兵來岫駐防雍正四年因功編入滿洲正黃旗當兵首報城南十八副甲仙人咀子荒地開墾傳至五世戶口衆多於乾隆初年續報哨子河街羊砬寨張家堡子大嶺後泡子沿燒鍋流子靈神廟張家溝頭二道干溝大小碾子溝二道河子河夾信冰嶺張家隈子夾皮溝啦嘛屯等處子孫日益繁昌仕筮者前清時有筆帖式校政佐領主事各等官現有張靄春字雲軒曾任南區警察

區官張全福法政畢業考取高等文官曾署本溪縣知事迄今傳世十五歷年三百戶

約三千餘丁口九千餘

連同遷徙各
外縣者計算

支派興盛邑南第一望族

洪家

堡子洪氏

清滿洲京旗正藍康熙十八年有洪雅者隨官兵來岫駐防報領洪家堡

子田地遂卜居焉至三世山林保以佐領被調從征川黔歷十二年備嘗蠻烟障雨九死一生回籍後灰心上進乾隆二十一年舍旗差而投民籍嘯傲林泉鄉里敬仰嘉言懿行垂裕後昆傳凡十世堡中洪姓除遷移邊外者尚有七十餘戶丁口數百餘村俗樸厚毫無訟爭人務實業屏除浮華二百餘年人皆目爲仁里

磊子溝王氏 原係山東濰海縣人家長王鳳山治家勤儉傳至數世資產豐富丁口六十餘王連東在家興辦縣立高級小學校一處畢業者已有三級邑侯高公贈有匾額一方顏曰熱心教育

小湖嶺趙氏 原係長白山滿洲旗人居岫百餘年耕讀傳家清時有倉官領催校政等職現析居數十戶同族數百人支派繁盛恆產素封有趙殿恆榮林桂林海誠等能承

先志好善樂施同治年曾施粥廠數月活人無算復捐貲修築邑街城隍廟文昌閣南關帝廟等工現有趙桐壽趙潤浦均由自治研究所畢業迄今趙氏仍稱望族

槽子峪佟氏 清盛京漢軍正藍旗遼東舊族乾隆間有佟世仁者由北京遷居本邑槽子峪傳已十世同族百餘戶丁口約數百人至六世有佟煥邦已錄懿型內八世現有佟書勳已錄仕宦內丁茂財豐邑東望族也

礦洞溝周氏 清嘉慶年間有周先者由山東寧海縣迭遷至邑東礦洞溝之喬家溝以農起家累世積善光緒十四年邑大饑賑濟全境紅糧二千餘石蒙東三省總督裕襃送施濟鄰里匾額一方現有周殿英光緒辛卯恩科武舉周國英武庠生周英駿字蓮溪傳凡七世耕讀勿替

興隆溝白氏 有白高立者原籍山西太古縣遷奉天孫家寨清乾隆間來岫報領城北興隆溝白家大坎田地遂卜居焉傳六世至白景安字凌雲文庠生攷取漢教習出任四川內江縣知縣七世白日銘字新三八世白月鴻字錫珊白月灝字紹梁職業錄仕

宦內白月海字紹濱曾任鳳城縣商會會長至十世有白辰熾字明彩現充呼倫警察廳總務科科长白辰燦字明如北京國立工業大學畢業現充二七方面軍團部參謀傳十一世

除遠徙者現有四十餘戶

繭場溝羅氏 正紅旗滿洲羅固三太自長白山遷居本邑東塘坊之繭場溝二百餘年傳凡九世現居邑境者三十餘戶先世有任防禦領催各職又有羅文慧文海前清文庠生現有羅桂芳字薌林曾任城廂自治會議長

西門口于氏 原籍山東掖縣清嘉慶間遷徙邑城耕讀爲業清時有歲貢生于泮藻文庠生于麟閣曾充本縣公署統計科長中學校長警甲所長各差又有文庠生于文治于品三曾充農務會長于子章曾充商務會長傳凡九世現已析居多戶合計丁口已及二百後起炳蔚仍爲本城望族

大什

字街

郝氏

原籍山西榆次縣清咸豐初年寄居斯邑傳凡五世筮仕者有廣東恩平縣知縣郝鳳樓字丹堦府經歷郝安邦字子蕃候選知縣郝良臣字晉侯曾充省議會

第二三兩屆議員貲產豐丁口十有奇

小什

字街

董氏

原籍直隸豐潤縣清乾隆間遊學來邑卜居本城暨城北紅旗村咸同間頗多筮仕者均錄仕宦內光緒間有拔貢生董士錫歲貢生董起灝董起汀傳已十世析居多戶支派尙繁

北街董氏

清嘉慶初由山東卽墨縣來岫經商置產籍焉傳已七世除徙居他處者本城現有三戶丁口共四十餘已故優貢生董書甲武庠生董書升現有董書乙字寅賓充任農務會長均係耕讀營商資產充裕爲本街之望族

南門外李氏

原籍順天寧河縣清咸豐間經商來岫寄籍於此及今五傳丁口七十有奇商業仍稱盛焉

北房身于氏

原籍山東黃縣清乾隆間值歲荒流寓邑北門外住居年遠族繁遂呼曰于家房身現已分析數十戶丁口約數百人先世有歲貢生于光國優貢生于因職業錄仕宦內文庠生熙春旦春歲貢生宴春皆知名一時現有于克容字涵生吳淞法政

大學畢業充東省特別區地方廳刑庭庭長于克勵字澍生北京國立法政大學畢業
充陸軍第三四方面軍團部軍法處少校軍法官

牌坊溝孫氏 清乾隆四年由山東福山縣兜余村遷居本邑東牌坊耕讀營商遂卜居
焉始祖孫興迄今傳已九世戶族析居有三十二戶丁口約六百二十餘人有孫紹文
者字建章同胞弟兄六人耕讀而外兼營商工兩業家道豐富嗣續多英俊鄰里稱慈
善邑東望族也

戶口

據科學家之研究戶口歷二十五年增加一倍岫邑山多地少土瘠民貧自前清光緒初年海龍城開放圍荒邑內居民多有遷徙該地者一遇凶歲則蕩析遷移甚於平素近於東豐西豐西安遠如吉林之富錦綏東烏珠密山各新闢縣境岫邑人民遷而下居者所在多有他如雙山鎮洮南府屬迤帶以及吉省舊墾各縣到處均有岫民踪跡約略查之岫屬居民每年遷徙各地者平均在數百戶以上若以二十年計算流邊之民不下數千戶即以目前而論光緒三十三年闔邑丁口十七萬零七百三十八至民國十六年已足二十年之數除流邊之數千戶不計外尙有三十三萬九千九百零七丁口據此比較則二十五年丁口增加一倍之說或信然歟茲將光緒三十三年暨民國十六年全境各戶口分表列下以資比較

岫巖縣前清光緒三十三年全境戶口一覽表

名別	戶	數男	數女	數男	女共	數備	考
----	---	----	----	----	----	----	---

漢人	一六八二	六五三	五九九六	一二五九
滿洲	四五六六	一七九八	一四九七五	三九五三
蒙古	三九二	一五九五	一四五六	三〇五一
漢軍	二五二	八五六	七四七九	一六〇〇
回民	一〇三	三五〇	二六一	六二
寄籍	一〇五	三三	二三	五六
合計	二四三八	九三六	七八四〇	一七〇七三
說明	謹按前清時代民重籍貫族分漢滿畛域較嚴所以查列戶口須有種族之分其山西直隸及他省人民流寓斯邑歷年未久者均目之爲寄籍 此項戶口數目係清光緒三十三年經自治局調查員所得之數茲採列之以資參考			

岫巖縣民國十六年全境戶口一覽表